

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 419143/16
ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 12.06.2020 թվականի թիվ _____ վարչական իրավախախտման վերաբերյալ արձանագրությունը, քննելով թիվ 12813 վարույթը և կից նյութերը,

ՊԱՐԶԵՑԻ

<<Ազգա լիզինգ վարկային կազմակերպություն>> ՓԲԸ-ի /ՀՎՀՀ՝ 02567702/ տնօրեն Արսեն Բազիկյանը /հասցե՝ ք. Երևան, Վազգեն Սարգսյան 10, շ. 132 բն., ՀԾՀ՝ 2708740180/ «ՀՀ և ԵՏՄ անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածի 1-ին մասով սահմանված ժամկետում չի ներկայացրել 28.03.2020թ-ին կատարված ներմուծման վերաբերյալ ներմուծման հարկային հայտարարագիրը և հայտարարությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, կողմը դիմում է ներկայացրել այն մասին, որ առցանց համակարգի խափանումներով աշխատելու պատճառով ներմուծման հարկային հայտարարագիրը և հայտարարությունը ներկայացրել է 1 /մեկ/ օր ուշացումով, ուստի խնդրել է իրեն ազատել վարչական պատասխանատվությունից:

Համաձայն հարկային մարմնում առկա տեղեկությունների Արսեն Բազիկյանը 28.03.2020թ-ին կատարված ներմուծման վերաբերյալ ներմուծման հարկային հայտարարագիրը և հայտարարությունը ներկայացրել է 21.04.2020թ-ին (վերջնաժամկետին հաջորդող օրը):

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն հաշվի առնելով որ հաշվարկը ներկայցվել է մեկ աշխատանքային օր ուշացումով, արարքը ունի նվազ նշանակություն, ուստի ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի՝ Արսեն Բազիկյանին ազատել վարչական պատասխանատվությունից՝ հայտարարել բանավոր դիտողություն:
2. Արսեն Բազիկյանի նկատմամբ հարուցված վարչական վարույթը կարգավորել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Վ. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)